



**МЕСЯЦА НОЯБРЯ В 29-Й ДЕНЬ**

**Святаго мученика Парамона,  
И преподобнаго Акакия,  
иже в Лэствице свидетельствованнаго.**

**На Гóсподи, воззвах:  
стихиры мученика 3,  
глас 4.**

**Подобен: Званный свѣще:**

**С**ветоявлѣнием яве озаряемь, / всеблаженне  
Парамоне, Божественнаго Духа, / тьму глу-  
бочайшую до конца возненавидел еси  
многобожия, / и пришел еси, благоключим-  
ное время приемь, всеблаженне, / к предлежащим  
страданием доблеумудренно, / и, победоносец явль-  
ся, / низложил еси гордаго и ратника всех земных, /  
величая Христа. / Егѡже моли спасти и просветити  
души наша.

**За всех Бѡга и Царя / множество многочислен-  
ное закалаемое разумѣв, Парамоне, / Божествен-  
ною ревностию разжѣглся еси и возопил еси: /  
Христов раб искренний есмь всегда, / разумейте,  
пребеззаконнии мучители, / яко бо агнец незлѡбив,  
заклатися се ныне самозван приидѡх. / Не пецыте-  
ся убо: / жертва приятна Пожренному плѡтию менѣ  
ради вольно / быти понуждаюся.**

**Седмочисленною чествѣемь десятицею, / трегуб-  
но же честный, / сотницею лик страдальцев /  
многобожную низложил еси лесть пребеззаконну-  
ющих верою, / с нимиже венчался еси, / подвизався  
доблеумудренно, Парамоне, / и ликом Безтелесных,  
радуясь, сочислился еси. / С нимиже молися /**

всякія скóрби и напáстей избáвитися нам, / тя чтúщим и прísно блажа́щим.

**Аще изво́лит настоя́тель пéти аллилу́ия, да пою́т сій стихи́ры Богоро́дице прэ́жде, глас 8, подо́бен то́йже:**

**Из Безнача́льна Отца́ Сын безлётно, / снизхожде́ния ра́ди и спасе́ния челове́ков, / Бог челове́к бысть, / да пода́ст первозда́нному ны́не рай, / тогда́ и все естество́ избáвится от прелести змíевы, / и образ па́дший спасе́т яко Благопременíteль. / Отону́дуже Ма́терь соде́ла / Невесторо́дицу чíсту, я́ко нескве́рну, / Ю́же, я́ко анки́ру\* вси и приста́нище, ублажа́ем.**

**Воплоще́нна Созда́теля всех / имела́ еси́ во утробе́ Твое́й, Богоблаже́нная, / вообрази́вшего челове́ка, / прэ́жде па́дшаго преступле́нием зми́иным, / Бо́га бо родила́ еси́ плóтию нескáзанно нам / и из тле́ния свободи́ла еси́ естество́ все обветша́вшее / Рожде́ством Твои́м. / Те́мже поём и сла́вим Твою́ благода́ть, Де́во безневéстная, / моли́тися не преста́й / спасти́ся ду́шам на́шим.**

**Да Твое́я всем мно́жество ми́лости и бла́гости откры́еши нам / неопреде́лимую пучи́ну, / грехи́ рабо́в Твои́х вся загла́ди, / имаши бо, Всенепоро́чная, я́ко Ма́ти сýщи Бо́жия, / власть созда́ния и во́диши вся, / я́ко хо́щеша, си́лою Твое́ю, / и́бо благода́ть Ду́ха Свята́го, / я́ве все́льшаяся в Тя, / соде́йствует Ти во всем прísно, Всеблаже́ннейшая.**

**Сла́ва, и ны́не, Богоро́дичен:**

**И́же со Отце́м и Ду́хом / славосло́вимый Сын в в́шних от Серафи́мов, / первозда́ннаго па́ки обнови́ти хотя́, / всего́ Себе́ исто́щи неизрече́нно / во утробе́ Твое́й, Богоро́дице Всепе́тая, / и, из Тебе́ возсия́вый, просвети́ весь мир Божество́м, / изба́вивый от идолоне́йствовства, / Собо́ю обожи́вый, / на Небеса́ возведе́ челове́чество, / Христóс Бог и Спас душ на́ших.**

**Крестобогоро́дичен. Подо́бен то́йже:**

**Не рыда́й Мене́, Ма́ти, / зря́щи на Дре́ве пове́шена Твоего́ Сы́на и Бо́га, / И́же на вода́х повеси́вши-**

\* анкиру — якорь



го зѣмлю неодоудержимо / и всю тварь создавшего, /  
 ибо воскресну, и прославлюся, / и адова царствия  
 сокрушу крепостию, / и погублю того силу, / и  
 связанные избавлю от злодейства его, / яко Благо-  
 утробен, / и Отцу Моему приведу, яко Человеколю-  
 бец.

### На стиховне Октоиха.



### Преподобнаго Акакия служба поется на повечерии.

**Канон, егоче краегранесие:** Акакия, избранна-  
 го послушателя, пѣсньми пою.

#### Феофан. Глас 4.

#### Песнь 1

**Ирмос:** Моря черную \* пучину / невлажными  
 стопами / древний пешествовав Израиль, / кре-  
 стообразными Моисеовыми руками / Амаликову  
 силу в пустыни победил есть.

Незлым нравом обложся, / благообразную  
 добродетелей стяжал еси доброту, / Христову воль-  
 ному послушанию подобяся даже до смерти, все-  
 блаженне.

Злобы обретателя посрамил еси беззлобием  
 своим, / терпением же, отче, искушений того гор-  
 дую и вознесенную вражду / к земли, всеблаженне,  
 смирил еси.

Воздержанием терпеливым, преподобне,  
 предъобучаяся и страстей отсекая начала, / без-  
 страстия одеждею украсился еси послежде, /  
 благодатию Божественною покрываемь.

Укрепив душевное устройство терпением твер-  
 дым и доблим, всеблаженне, помыслом, / по вся дни  
 терпел еси мученический подвиг / и венечник  
 показался еси.

**Богородичен:** Крепость творительная и пение, /  
 Бог и Господь, / Иже нас ради из Тебе воплощйся  
 и рождейся, / пророчески якоже Исаия, Пречи-  
 стая, благовесты.

\* черную — красную, темно-красную.

### Песнь 3

**Ирмос:** *Веселится о Тебе Церковь Твоя, Христэ, зовущи: / Ты моя крепость, Господи, / и прибежище, и утверждение.*

**Всего** тебе самого Творцу твоему и Богу, преподобне, возложив, / терпел еси томительное изничтожение.

**Законно** страдальческое терпение, воздержниче, показал еси на земли, / темже тебе Небесное веселие дадеся.

**Смирение** истинно, долготерпение опасно держал еси, / терпение, воздержание с послушанием, преблаженне.

**Богородичен:** *Всех Содетель зиждется, / нас ради, Пречистая, плоть приемь одушевленную, / из Тебе, Пресвятая Богоневесто.*

### Песнь 4

**Ирмос:** *Вознесена Тя видевши Церковь на Кресте, / Солнце праведное, / ста в чине своем, / достойно зывающи: / слава силе Твоей, Господи.*

**Умертвив**, отче, мудрость плоти твоея, / твою душу оживил еси и правды венец приял еси, зовый, Акакие: / слава силе Твоей, Господи.

**Подвиги** долги приемля, / иже по вся дни терпеливное показывал еси сопротивление, отче. / Темже по смерти, яко жив, возопил еси: / слава силе Твоей, Господи.

**Твердым** умом томления за Христа претерпел еси, Акакие блаженне, / Сего помышляя, на Кресте пригвождена за спасение рода нашего.

**Богородичен:** *Чистейши еси Небес и Мысленных Сил, / яко сих Зиждителя, Пречистая, рождши. / Темже Ти зовем: / радуйся, Богородице Всепетая.*

### Песнь 5

**Ирмос:** *Ты, Господи, мой свет / в мир пришел еси, / Свет Святыи, обращаяи из мрачна неведения / верою воспевающия Тя.*

**Ты**, преподобне, язвами мужески ураняемь / и биении по вся дни терпя крепко, / преподобно почил еси.



**Течѣние дѡброе скончав, Акáкие незлѡбный, / и трудѡв свѡбѡдный и болѣзней воспріял есѣ покѡй.**

**Ум твой чѣстым пѡмыслом окормляемъ, Акáкие Богонѡсе, / к Винѡвному всех благополучно устремѣся.**

**Богорѡдичен: Ни Ангельскій ум, ни человекъ мѡжет Рождество Твое сказати, / превосхѡдит бо всяко постиженіе рáзума.**

### Песнь 6

**Ирмос: Пожру́ Ти со гласом хвалѣния, Гѡсподи, / Цѣрковь вопіетъ Ти, / от бесѡвскія крѡве очищися / рáди мѣлости от ребр Твоих / истѣкшею Крѡвию.**

**Усну́л есѣ блаженным сном, блаженне, / и по смѣрти явѣся, послушая, ѡтче, вопрошающих, / яко не умирает послушаніе имѣяй.**

**Скончав дѡбрыя пѡдвиги, тезоимените, / нетленнаго, Богомудре, спѡдѡбился воистинну безсмѣртія, / идеже, радуясь, венцы победы воспріял есѣ.**

**Божѣственное, и дѡброе, и Богоугѡдное воздержаніе житія твоегѡ, блаженне, / многія утверждает Божѣственным страхом / и желаніем благ бѡдущих, Акáкие.**

**Богорѡдичен: Воистинну Богорѡдицу Тя верѡю славим, / яко Бѡга заченшую и рѡждшую Сего неискусобрачно, / соединшася из Тебѣ пріятыя святым храмом.**

### Седáлен, глас 4.

**Подѡбен: Сѡро предварі:**

**Свѣтлостію веры и дѣтельным свѣтом / явѣлся есѣ равноангелен на землі воистинну, Акáкие всемудре. / Показал есѣ мужески крѣпкое ума твоегѡ, / сокрушил есѣ нападанія страстей постѡм, / тѣмже и по кончине яко жив явѣлся есѣ, непобѣдѣме.**

### Песнь 7

**Ирмос: В пещи Авраамстии ѡтроцы персидстей / любѡвию благочестія пáче, / нежели пламенем, опалѣеми, взывáху: / благословѣн есѣ в храме славы Твоея, Гѡсподи.**

**Всем** желанием Владыце идый, / досады, и безчестия, преподобне, и язвы терпя, зывал еси: / благословен еси в храме славы Твоея, Господи.

**Помысл** твой, Владычния помышляя страсти и распятие / и смерти поучаяся, ураняемь, пел еси: / благословен еси в храме славы Твоея, Господи.

**Мертв** во гробе, по закону умирающих лежя без дыхания, / глаголющему вещаеши паче естества, яко не умерл есмь, зываеши: / благословен еси в храме славы Твоея, Господи.

**Богородичен:** Умершия, имже, Дево, держими бехом законом, / Жизнь рождши истинную, возставила еси зовущия: / благословена Ты в женах, Всенепорочная Владычице.

### Песнь 8

**Ирмос:** Руце распростер, Даниил / львов зияния в рове затче, / огненную же силу угасиша, / добродетелию препоясавшися, / благочестия рачители отроцы, зывающе: / благословите, вся дела Господня, Господа.

**Крепким** воздержанием Богу тебе бысть смеситися, преподобне, / уз тела разрешшуся и плоть изнурившу, / и видением детельным отче, зовый: / благословите, вся дела Господня, Господа.

**С** мученики Христовы сочетаемь и вчиняемь, непрестанно, преподобне, / поя Человеколюбца и моляся о нас, восхваляющих тя и вопиющих: / благословите, вся дела Господня, Господа.

**Пострадав** законно на земли, / небесный обрел еси покой, радуяся, преподобне, со святыми, / и сопричастник веселия и радости их быв, и зывая: / благословите, вся дела Господня, Господа.

**Богородичен:** Воплощается Безплотный прежде, / Содетель зиждется из Тебе, Всенепорочная, / ибо в пречистая ложесна Твоя вшед Непостижимый, / описанием плотским хотя объятся. / Темже вси Тя благословим, Марие Богоневесто.

### Песнь 9

**Ирмос:** Камень нерукосечный / от несекомыя горы, Тебе, Дево, / краеугольный отсечеса, — / Христос, совокупивый разстоящаяся естества. / Тем, веселящися, Тя, Богородице, величаем.



**М**илостивно вмести́ся, о́тче, ко вся́ческих  
Благоде́телю, / незло́бия добро́тою украша́ясь и  
красото́ю добродете́лей сия́я, / те́мже ты вси убла-  
жа́ем.

**З**ако́ну повину́ясь Влады́чню, / твою́ преклонил  
еси́ вѣю мона́шествующих борѣнию / и, победоно́-  
сец, о́тче, быв, / к незло́бию дости́гл еси́ соверше́н-  
ному, всеблаже́нне.

**П**ѣние Бо́гу возсыла́ти со Безплотными сподо́-  
бился еси́, / я́ко соблю́д о́нех жити́е и чистоту́, /  
терпѣнием же дел мучеников сла́ву прия́л еси́.

**П**риими́ от нас, Богоно́се, приноси́мое тебе́  
пѣние от чи́ста се́рдца / и возда́ждь мо́льба́ми  
твои́ми / согреше́ний оставле́ние и спасѣ́ние, всече́-  
стне.

**Богоро́дичен:** Я́ко ко́рень су́щу вои́стинну  
нетле́ния, Ты, Де́во, / вси ве́рнии, и утвержде́ния,  
хвала́ми почита́ем, / Ты бо Ипоста́сное Безсме́ртие  
нам родила́ еси́.

#### **Стихи́ры преподо́бнаго, глас 4.**

**Подобен:** Я́ко до́бля:

**В**оздержáнием му́дрость плотску́ю умертвил  
еси́ / и ду́шу оживил еси́ постом / и добродете́лей  
соверше́нием. / Отсю́ду же и явился еси́ я́ко жив по  
кончи́не вои́стинну, / я́коже бо сон вмени́ся тебе́  
смерть, / к Бо́гу преставльшуся и в ру́це ду́шу  
прело́жшу Емú, / Ака́кие сла́вне.

**С**трасте́й успил еси́ желáния, Ака́кие, / бде́ние  
всенощное я́ко стяжа́в, / послуша́ние и смире́ние, /  
поучѣ́ние же Божественных писáний, / и се́рдце  
чи́сто, и ум несму́щен. / Те́мже был еси́ и приятели́-  
ще Ду́ха Свята́го, / зарí чудес возсия́в концѣм.

**М**ирска́го пристра́стия до конца́ возгнуша́всь, /  
безстра́стия сосúд был еси́, / любому́дрия же,  
сла́вне, дете́льным восхожде́нием / возвы́сился еси́  
к самому́ желáнию конѣчному / и узрѣл еси́ та́йным  
видѣ́нием / невидимых недомы́сленныя и Божѣ-  
ственныя добро́ты, / Ака́кие всему́дре и блаже́нне.

#### **Сла́ва, и ны́не, Богоро́дичен:**

**О**тцу́ единосúчна и Ду́ху сопресто́льна / из  
чи́стых крове́й Твои́х воплоти́ла еси́ / и па́че сло́ва  
породила́ еси́, / во двух познава́ема действѣ́нных

существах, истинно и хотениях./ Егѡже моли,  
Пресвятая Дѣво, / яко Сына Твоего и Бѡга, / спасти  
вѣроу чистою Тебѣ блажащия.

**Крестобогородичен. Подобен тойже:**

Агница и Пастыря, Ты на Дрѣве яко виде, /  
Агница рѡждшая рыдаше / и матерски Тебѣ веща-  
ше: / Сыне возжеленне, / како на Дрѣве крестнем  
повѣшен еси, Долготерпеливе? / Како рѣце и нѡзе  
Твой, Слѡве, пригвоздишася от беззаконных, / и  
Кровь Твою излиял еси, Владыко?



**НА УТРЕНИ**

**Оба канѡна Октоиха и святаго на 4, егѡже  
краегранѣсие: Воспевати твою ныне даждь, мѹче-  
ниче, благодать. Иѡсиф. Глас 4.**

**Песнь 1**

**Ирмос: Мѡря чермную пучину / невлажными  
стопами / древний пешешествовав Израиль, / кре-  
стообразными Моисѣевыми рукама / Амаликову  
силу в пустыни победил есть.**

Поюща светонѡсную твою пѡмѡть, мѹчениче  
Парамѡне, / свещательными Дѹха зарями сѣрдце  
моѡ просвети / и пребывати ми Божѣственнымн  
законоположеннми укрепи.

Мѹченическим пресвѣтло благослѡвием, бла-  
женне, обогатился еси, / мѹченическими просияв  
добрѡтами и красными рѡнами украсився, Пара-  
мѡне. / Тѣмже ты вѣрно ублажаем.

Вод животворных Дѹха сый исполнен, / без-  
бѡжия знѡем люте истѡявшия оросил еси / и к водѣ,  
славне, воспокоения путеводил еси.

**Богородичен: В лѣто Безлѣтнаго родила еси,  
Человѣка бывша, / Егѡже прилѣжно моли, Чистая,  
яко Сына Твоего и Гѡспода, / души моея лѣтныя  
страсти уврачѣти, Всенепорѡчная.**

**Песнь 3**

**Ирмос: Веселится о Тебѣ Цѣрковь Твоя, Христѣ,  
зовущи: / Ты моя крепость, Гѡсподи, / и прибежи-  
ще, и утверждение.**



**Возношение** вражие, смирился Христа ради, разрушил еси / и того полки мечем терпения ссекл еси.

**Разрушил** еси лукавый совет иже на веру нашу / и крепко пострадал еси, мучениче страстотерпче Парамоне.

**Укрепился** еси Божественною благодатию, яко воин силен, / и лютыя муки, мучениче, якоже сон, вменил еси.

**Богородичен:** Укрепи мой ум, / совращаемь многими страстьми, Мати Божия Пречистая, / яко да по долгу славлю Тя.

**Седален, глас 4.**

**Подобен:** Вознесыйся:

**Терпением** Божественных повелений очисти еси душу от скверны / и к страдальческому постиг еси совершению, жрети бо кумиром отрелся еси прелестным, / подражая Христа, копием заклан был еси, но прилежно моли Его о мире, всеблаженне Парамоне.

**Слава, и ныне, Богородичен:**

**По** Бозе в Твой, Богородице, прибегаю смиренный покров Божественный, / припадая, молюся: / помилуй, Пречистая, яко превзыдоша главу мою греси, / и боюся, Владычице, муки, и трепещу. / Моление сотвори, Чистая, к Сыну Твоему, от сих избавити мя.

**Крестобогородичен:**

**Из** Безначального Отца рожденного, / напоследок Тя плотию Родшая, на Кресте висяща зрящи, Христе, / увы Мне! любезнейший Иисусе, — вопияше, — / како славимый яко Бог от Ангел, / от беззаконных ныне человек, Сыне, хотя распинаешься? / Пою Тя, Долготерпеливе.

**Песнь 4**

**Ирмос:** Вознесена Тя видевши Церковь на Кресте, / Солнце праведное, / ста в чине своем, / достойно зывающи: / слава силе Твоей, Господи.

**Сердце** твоё, мужеством ограждаемо и дерзновением, славне, разжигаемо, / муки многоплетенныя младенец стреляния, мучениче доблемудренне, вменил еси.

**У**мерщвляемы повелением мучителя, страдальцы видев, / якоже оны, Божественную ревность прише мученик Парамон / и к страданию прииде.

**К**репко ты растягаема и копий немилостивно бодома, / и козни вражия побеждающа, / Христос венча ты подвигоположник, блаженне Парамоне.

**Т**ерпению удивляясь мучеников и тех совершению дивясь, славне, / тех приобщился еси ревности веры и пречестному страданию.

**Богородичен:** Умерщвлены человеки преступлением, / живоносным Твоим Рождеством, Дево Марие, всех оживила еси. / Тем Тя славим и Боголепно ублажаем.

### Песнь 5

**Ирмос:** Ты, Господи, мой свет, / в мир пришел еси, / Свет Святыи, обращаи из мрачна невѣдения / верою воспевающия Тя.

**Д**ар многоценный, тебе самого, принесл еси Творцу твоему, пострадав / и прелесть победив, мучеников удобрение.

**К**умиры, мудре, и демонская капища сокрушил еси, / утверждено помышление стяжав на камени Божественныя веры, Парамоне.

**Д**емонов множество мужественно острупил еси, / оструплением плоти твоея, страдальче доблемудренный, / темже ты ублажаем.

**Богородичен:** Равночестен Отцу Сыи и Духу Господь / от чистых Твоих кровей воплотися, Чистая, Человек быв.

### Песнь 6

**Ирмос:** Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.

**Н**е был еси во время подвигов ленив, встанлив же паче / и Божественному страданию доблествен. / Сего ради венец славы получил еси.

**М**учеников собору себе сочетал еси, / скончавшихся усердно прежде твоего страдания, приснопамятне, / и с ними Небесному чертогу сподобился еси.



**К**опия подражателя ты Христова соделаша, /  
 и мизе прободаемь, мучениче, к Нему востекл еси,  
 венценосец, / умертвив терпения оружием несмыс-  
 ленныя.

**Богородичен:** Избави мя соблазнов житейских,  
 Пренепорочная, / в ноци неведения безместными  
 помышлении одержимаго / и злобою вражиею  
 присно омрачаемаго.

**По 6-й песни мученичен Октоиха.**

### **Песнь 7**

**Ирмос:** В пещи Авраамстии отроцы персид-  
 стей, / любвию благочестия паче, / нежели пламе-  
 нем опаляеми, зываху: / благословен еси в храме  
 славы Твоея, Господи.

**В**рачевств и чудес благодатию, мудре мучени-  
 че, от Бога обогащся светло, / врачуеши зовущия: /  
 благословен еси в храме славы Твоея, Господи.

**П**ростираемых мук небрегл еси, / все попечение  
 имей на Небесех и зовый, достославне: / благосло-  
 вен еси в храме славы Твоея, Господи.

**Т**ы кровей, страдальче, огнем всю попалил еси  
 вещь безбожия, славне, лукавую; / росию же чудес  
 твоих сущия в знои лютых орошаеши, Парамоне,  
 зовый: / благословен еси в храме славы Твоея,  
 Господи.

**Богородичен:** Радуйся, едина радость рождающая  
 человеком, / радуйся, Небо и престоле Херувим-  
 ский, / и преславная палато царствующаго всех  
 веков, всенепорочная Владычице.

### **Песнь 8**

**Ирмос:** Руце распротер, Даниил / львов зияния  
 в рове затче, / огненную же силу угасиша, добро-  
 детелию препоясавшися, / благочестия рачители  
 отроцы, зывающе: / благословите, вся дела Гос-  
 подня, Господа.

**Б**одрога ты хранителя душам стяжавше, обога-  
 тихомся, / усповуща демонская мечтания всегда,  
 и плоти свирепыя волны, / и бурю помышлений,  
 мучениче многострадальне, вопиющих: / благосло-  
 вите, вся дела Господня, Господа.

**С**труями твоих священных кровей багрянцу  
 очервленил еси себе, / обветшание весьма прияти

не имущу, / и, светло украшаемъ, на Небесех обитаеши, вопия, блаженне: / благословите, вся дела Господня, Господа.

**Якоже овча чистое, и жертва непорочная, / и приношение, всесожегаемо угльми священнаго, мучениче, страдания, / страстоположнику твоему Христу принеслся еси, мудре, поя: / благословите, вся дела Господня, Господа.**

**Богородичен:** Закона Тя сени и пророков проначерташа, Чистая, проповедания, / неизреченно хотящу быти Бога нашего родительницу, Богоблагодатная Чистая. / Емуже вси поем: / благословите, вся дела Господня, Господа.

### Песнь 9

**Ирмос:** Камень нерукосечный / от несекомыя горы, Тебе, Дево, / краеугольный отсечеса, — / Христос, совокупивый разстоящаяся естества. / Тем, веселящися, Тя, Богородице, величаем.

Се светозарнаго страстотерпца светоявленная осия паметь, / всех верных сердца просвещаючи Божественным Духом, / радостно ликовствующих и верою блажащих.

Яко седмокружною десятицею и тругубною сотницею непобедимых мучеников совокупляемъ, / с нимиже тело твое, мучениче Христов, лежит, / и с ними моли спастися нам.

Поприще прошедше болезненное, многовидных мук исполнено, / и со Христом, мир победившим, светло победивше, / венценосцы мученицы, на Небесех жительствуете.

Взят был еси от земли и почести твоих подвигов приял еси, / ныне же реки источаеши нам чудес, тебе чтущим / и благочестно паметь твою торжествующим, Парамоне.

**Богородичен:** Просвети души моя зеницы, / омраченныя невидением тлетворнаго греха, Богородительнице Пречистая, Владычице, / Ты бо верных еси помощь и просвещение, Чистая.

### Светилен.

**Подобен:** Жены, услышите:

Множество непобедимое воинства, / сословие Божественно непобедимое мучеников, благочест-



номудренно воспойм,/ имуще чиновачальника  
Парамона чуднаго, обличившаго мучителя,/ иже  
со всеми мученики венец получи славы.

**Богородичен:** Радуйся, Божия палато;/ радуйся,  
горю осененная;/ радуйся, купино неопалимая;/  
радуйся, престолу славы;/ радуйся, Божественная  
трапезо;/ радуйся, стамно всезлатая;/ радуйся,  
свещнице всесветлый;/ радуйся, легкий облаче,  
Деву Мати Марие.

**Святой мученик Парамон и с ним 370 мучеников** пострадали за веру во Христа в 250 году при императоре Декии (243—251). Правитель восточных областей Аквилин заточил в темницу 370 христиан, принуждая их отречься от Христа и принести жертву идолам. Заключенных предавали пыткам, надеясь мучениями и угрозой смерти заставить их отречься от Христа и поклониться языческим божествам. Один из местных жителей, по имени Парамон, видя мучения христиан, открыто обличил жестокость правителя и исповедал свою веру в Единого Истинного Бога, Господа Иисуса Христа. Святого Парамона после жесточайших пыток обезглавили вместе с остальными 370-ю мучениками.

**Преподобный Акакий Синайский** жил в VI веке и был послушником в одном монастыре. Смиранный инок отличался терпением и беспримысловым послушанием своему старцу, у которого был грубый характер. Он заставлял преподобного непо-

мерно работать, морил его голодом, нещадно бил. Несмотря на такое обращение, преподобный Акакий кротко терпел невзгоды и благодарил Бога за все. Недолго пробыв в таком тяжелом послушании, святой Акакий скончался.

Старец через пять дней рассказал о смерти своего ученика одному великому старцу, который не поверил, что молодой инок умер. Тогда учитель Акакия позвал этого старца к могиле Акакия. Великий старец, придя к гробу, громко спросил: «Брат Акакий, умер ли ты?» Из могилы раздался голос благоразумного послушника: «Нет, отче, не умер; кто переносит послушание, не может умереть». Пораженный учитель Акакия со слезами упал перед гробницей, прося прощения у своего ученика.

После этого он изменился нравом, затворился в келлии близ погребения святого Акакия, в молитве и кротости окончил свою жизнь. Это сказание привел в «Лестнице» преподобный Иоанн Лествичник (память 30 марта) как пример терпения, послушания и награды за них.

